



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

29 DISEMBER 2021 (RABU)



KERATAN AKHBAR DAN MEDIA ONLINE (KPDNHEP)

29 DISEMBER 2021 (RABU)

SHMKM dilanjut sehingga 4 Februari

Putrajaya: Skim Harga Maksimum Keluarga Malaysia (SHMKM) yang dijadualkan berakhir Jumat ini, dilanjutkan selama 35 hari lagi berkuat kuasa 1 Januari hingga 4 Februari tahun depan.

Menteri Perdagangan Dalam Negeri dan Hal Ehwal Pengguna, Datuk Seri Alexander Nanta Linggi, berkata jumlah barangan harga terkawal bagi pelaksanaan SHMKM itu sama membabitkan 12 jenis barangan makanan keperluan asas daripada kategori ayam, telur ayam dan sayur-sayuran.

Katanya, antara barangan yang disenaraikan di bawah skim itu ialah ayam hidup, ayam standard, ayam super, telur ayam gred A, B dan C, kacang panjang, cili merah, tomat, sawi, kubis bulat import (dari Indonesia dan China) serta timun.

"Berdasarkan maklum balas diterima dan sebagai langkah berterusan menstabilkan harga barangan serta memastikan keberadaan bekalan, Kementerian Dalam Negeri dan Hal

Pelarasan harga ini dibuat berdasarkan situasi dan faktor tertentu bagi menjamin kestabilan harga serta bekalan

*Alexander Nanta Linggi,
Menteri Perdagangan Dalam
Negeri dan Hal Ehwal Pengguna*



Ehwal Pengguna (KPDNHEP) memutuskan untuk melanjutkan tempoh pelaksanaan SHMKM," katanya dalam kenyataan, semalam.

Sebelum ini, kerajaan mengumumkan pelaksanaan SHMKM berkuat kuasa 7 Disember hingga 31 Disember ini dalam usaha kerajaan menstabilkan harga barangan keperluan dan memastikan bekalan mencukupi di pasaran.

Nanta berkata, terdapat empat jenis barangan terbahagi pelarasan harga dalam SHMKM iaitu ayam, telur ayam, sawi dan kacang panjang untuk loka-

si terpilih.

"Pelarasan harga ini dibuat berdasarkan situasi dan faktor tertentu bagi menjamin kestabilan harga serta bekalan," katanya.

Katanya, sepanjang pelaksanaan SHMKM itu, anggota penguat kuasa dan pegawai pemantau harga KPDNHEP akan melakukan pemantauan setiap hari di seluruh negara.

"Pemeriksaan antaranya membabitkan lokasi tumpuan ramai seperti pasar awam, pasar tani dan pasar raya serta peniaga di peringkat rantaian borong," katanya.

SHMKM dilanjutkan sehingga 4 Februari depan

PUTRAJAYA – Skim Harga Maksimum Keluarga Malaysia (SHMKM) terhadap 12 jenis barangan dilanjutkan sehingga 4 Februari depan.

Menteri Perdagangan Dalam

Negeri dan Hal Ehwal Pengguna (KPDNHEP), Datuk Seri Alexander Nanta Linggi berkata, keputusan itu dibuat berdasarkan maklum balas yang diterima dan sebagai langkah berterusan un-

tuk menstabilkan harga barangan dan memastikan keberadaan bekalan.

SHMKM yang diperkenalkan pada 7 Disember lalu dijadual berakhir Jumaat ini.

Katanya, kementerian telah memutuskan untuk melanjutkan tempoh pelaksanaan SHMKM berkuat kuasa pada 1 Januari depan sehingga 4 Februari depan iaitu selama 35 hari.

"Jumlah barangan harga terkawal bagi skim berkenaan melibatkan 12 jenis barangan makanan keperluan asas dari kategori ayam, telur ayam dan sayur-sayuran," katanya.

KPDNHEP hantar barang keperluan ke Pantai Timur

Kajang: Kementerian Perdagangan Dalam Negeri dan Hal Ehwal Pengguna (KPDNHEP) dengan kerjasama rakan strategik utama Program Food Bank Malaysia akan memperluaskan bantuan di luar Lembah Klang.

Berikutan itu, sumbangan barangan keperluan akan digerakkan ke Pantai Timur sebagai persiapan awal menghadapi kemungkinan berlaku banjir.

Timbalannya, Datuk Rosol Wahid, berkata setakat semalam, lebih 5,000 keluarga menerima sumbangan yang diagihkan di kawasan dilanda banjir, terutama di Lembah Klang dan Bentong, Pahang.

"Program Food Bank Malaysia untuk bantu mangsa banjir ini digerakkan sejak 19 Disember lalu, khususnya di Lembah Klang, tetapi kita akan kembangkan di Pantai Timur mulai hari ini kerana dijangkakan hujan lebat akan berlaku di Kelantan, Terengganu dan Pahang.

"Jadi, persiapan awal sedang dibuat untuk pastikan mereka yang terkesan termasuk penduduk miskin menerima barangan keperluan seperti minuman, makanan, bantal dan tikar sebelum

keadaan lebih teruk," katanya ketika ditemui pada majlis pemberian sumbangan untuk mangsa banjir di Gudang Foodbank Malaysia, di sini, semalam.

Yang turut hadir, Ketua Setiausaha (KSU) KPDNHEP, Datuk Seri Hasnol Zam Zam Ahmad dan Ketua Pegawai Eksekutif Yayasan AlManjie, Zuwairi Japri Al-Manjie.

Rosol berkata, pihaknya juga berhasrat mempelbagaikan bentuk bantuan dan memberikan sumbangan perabot susulan ramai keluarga kehilangan harta benda susulan kelengkapan rumah hanyut, rosak dan tidak boleh digunakan.

"Insya-Allah kita sedang berusaha dan jika tiada aral, sumbangan iaitu perabot seperti tilam (akan diberikan).

"Ini pun hasil sumbangan orang ramai, termasuk rakan kerjasama termasuk syarikat, syarikat berkaitan kerajaan (GLC) dan badan perniagaan.

"KPDNHEP sebagai koordinator program ini berharap lebih ramai tampil menghulurkan bantuan antaranya dengan menghantar sumbangan terus pusat penyimpanan dan penga-



Rosol (dua dari kanan) bersama Zuwairi Japri melihat bantuan untuk diberikan mangsa banjir di Bukit Angkat, Kajang, semalam.

(Foto Aizuddin Saad/BH)

gihan Food Bank Malaysia KPDNHEP di seluruh negara," katanya.

Terdahulu, Rosol menerima sumbangan 40,000 botol minuman daripada Etika Sdn Bhd untuk mangsa banjir di seluruh Malaysia dan diagihkan melalui Yayasan AlManjie, iaitu rakan strategik utama bagi Program Sektariat Foodbank Malaysia.

Dalam pada itu, Rosol ketika mengulas isu kenaikan harga barangan keperluan susulan ada

peniaga yang mengambil kesempatan disebabkan situasi banjir, memaklumkan pihaknya ada menerima aduan dan sedang mempergiatkan operasi di seluruh negara.

"Kita sedar perkara ini, contohnya ada yang menjual toto yang harganya sekitar RM20, tetapi naik sehingga RM40, begitu juga barangan seperti tikar, harga daripada RM27, boleh naik antara RM30 hingga RM40," katanya.

